

Aendangj Dwg Gijmaz

党是什么

Daxboh daxmeh caeuq daxbuz gou cungj dwg Cungguk Gungcanj-dangj dangjyenz. Gou lij ndaej geiq, gij yiengh angqfaengz mwh daxmeh daj yawhbwh dangjyenz cienjcingq haenx. De vihmaz baenzneix angq ne? Gijneix sawj gou siengj bae damqcaz “aendangj” dauqdaej dwg gijmaz?

Mwh gou cam gyoengqde “aendangj” dwg gijmaz, gyoengqde gangj le haujai gojgaeq gvendaengz aendangj hawj gou dingq. Daj aenruz Namzhuz, “yieplau saekhou”, Nanzcangh Gijyi, gangj daengz hungzginz cangzcwngh, dingjhoenx Yizbwnj, gaijfang cancwng, daj Cunghvaz Yinminz Gunghozgoz laebbaenz ngoenzhaenx, itcig gangj daengz gaijgwz hailangh, Sinzcouh mbin hwnj mbwn, “Cangzngoz” hwnj yezgiuz. Gou yienznaeuz mbouj rox caez, hoeng gaenq laeglwd roxyiuj: Diegvih aendangj youq ndawsim gyoengqde gig youqgaenj, hix hawj gou roxnyinh aendangj hungmbwk. Gyoengqde lij aeu seiziq daxgoeng daxbuz, seiziq daxboh daxmeh caeuq



seiziq gou guh doxbeij, engq sawj gou roxnyinh daengz, miz ndit caeuq fwn aendangj ganqciengx, gou dwg geijlai vuenyungz ha!

Hwnj siujyoz baenz boux sausen duiyenz le, gou gingciengz yawj gij swhliu hagsib caeuq dangjcanh daxmeh, doengh gijneix sawj gou doiq

aendangj roxyiuj yied daeuj yied laeg. Caemhcaiq, gou lij liujgaij daengz, Cungguk gawjbanh Baekging Auyinvei, Sanghaij Sibozvei, Gvangjcouh Yayinvei daengjdaengj, cungj dwg aendangj raeuz vih guekgya fouq-giengz, minzczu fukhwng soj roengz-rengz guh haenx. Daj ndaw sinhvwnz yawjdaengz, youq Vwnconh, Yizsu dicin caeuq raemxrongz nae hung daengj caihaih hung fatseng seiz, dangjyenz cungj dwg boux daih' it daengz yienhciengz, cungj dwg hawj vunz maqmuengh ndaej lix roengzbae! Seizneix miz aendangj lingjdauj, raeuz youh dwk hings le ciengz ciengq binghra q bwtneuh. Neix couh dwg aendangj raeuz, aendangj hungmbwk youq ndawsim yinzminz!

Aendangj youq ndawsim gou, gou gyaenz aendangj, dingq vah aendangj, nyinhcaen hag gohyoz cihsiz, majhung le, gou itdingh yungh hengzdoengh saedsaed caihaih, lumj gyoengqde ityiengh baenz boux gungcanjdangj dangjyenz miznaj ndeu!

(Vuz Mingz)

Gou Caeuq Saenzbit Maxliengz Gvaq Ngoenz Ndeu

我和神笔马良的一天

贵港市覃塘区蒙公镇高占小学四年级 Lij Yungmeiz/李榕梅

Haha, gou gingqyienz bungzdaengz saeh ndei, daj gwnzmbwn doek roengz bingzdeih daeuj—Ndaej caeuq saenzbit Maxliengz gvaq ngoenz ndeu.

“Dinglingling……” Raq sing nauhcung gaenjlulu yiengj hwnjdaej, gou biengj hai fandenz hwnqdaej, vaiqviet cat heuj, swiq naj……Aiya, gwn haexcaux ganj mbouj gib lo, lij miz 10 faen cung couh hwnjdangz lo! Haha, mbouj youqgaenj! Ngoenzneix gou ndaej caeuq saenzbit Maxliengz guhdoi, gou cingj de bang! Mbouj yungh gangj, Maxliengz han vaiq lai lo. “Sasa” vangraeh geij mbat saenzbit, boi cijvaiz caeuq daeh siuj-loengzbau ndeu couh youq ndaw fwngz gou lo. Ndei lai lo, gou mbouj deng dungx iek bae hwnjdangz lo! Mwh gou aemq daehsaw yaek bae hagdangz, Maxliengz hai bak gangj vah lo: “Mwngz caj yaep he!” Gangj dwk youh vad geij mbat saenzbit, gyaq ci dap hagseng ndeu couh youq baihnaj ranz gou, hehe, daih ndei lo! Gou diuq hwnj ci bae, vadvad fwngz coh Maxliengz, swghih baez caij youzmonz, gyaqci lumj mbin nei hai coh hagdangz……

Banhaemh cuengqhag ma daengz ranz, gou dongx Maxliengz sing ndeu, couh hauej ndaw rug bae sij cozyez lo. Ai, neix couh dwg aenmingh dang hagseng, moix ngoenz cungj miz cozyez sij mbouj sat! Ngoenzneix lauxsae louz cozyez engq lai, fwngz gou sij ndaej naiq liux. Deng lo, mbouj dwg miz saenzbit Maxliengz ma? Gou caiq gouzgouz de, ciq saenzbit de yunghyungh. Baezneix, Maxliengz mbouj nyienh geijlai lo, nyaeuq bwnda heuh

gou gag sij. Hoeng, dingj mbouj ndaej vahgvai gou, doeklaeng dapwngq ciq hawj gou baez ndeu, mbouj miz baez ngeih. Gou ndaej yiengh dijbaui neix le, angqvauvau “sasa” foux hwnjdaej. Yijvwnz, suyoz, Yinghyij……Sojmiz cozyez cungj guh sat lo. Caen ndei ha, gou caen siengj song fwngz bungj fajnaj Maxliengz hwnjdaej cup mbat ndeu. Mbouj miz cozyez lo, gou couh ndaej ndeindei bae guhcaemz lo, ye!

Hoeng, ngoenz daihngaih gya cozyez seiz, gou cix mbouj riu ndaej okdaej, gwnz cozyez gingqyienz hoengqhathat, henz gok sij miz hangz cih ndeu: Saenzbit mbouj hawj boux lwngyez dam guhcaemz yungh!

(bouxlauxsae son'gyauq Veiz Gyangh-bingz/指导老师 韦江萍)



Ranz gou ciengx miz geij duzug, yienghde dwggayez lai lo. Daengx ndang ndaemndwt, song mbiengj aen' gyauej luenzlulu de, miz song ceh da iq lumj lwgraz nei, diuzrieng raezrangh, youq giz gya yawj, gyoengqde caen lumj aen douhau gwnz saw yijvwnz.

Duzrug ceiq maij gwn mienhbau soiq caeuq gigwn duzbya. Moix baez gou dawz ok gigwn duzbya, baenz naed baenz naed vanq youq gwnz raemx, gyoengqde yawjraen gigwn ndeigwn le, couh ceng gonq lau laeng gvaqdaej ciengj gwn. Miz duz ciengj mbouj ndaej gwn, couh youq najraemx youz bae youz dauq, aenbak mbat hai mbat haep, lumj dwg naeuz: “Bouxcauj ngoenzneix hawj gigwn caen noix ha!” Mwhde, gou couh laebdaeb vanq gigwn hawj gyoengqde.

Duzrug miz seiz hix doxcaez guhcaemz. Geij duzug doxcaez ndoj youq raeb rin iq, lingh duz youz bae youz dauq, yawj naj yawj laeng, lumj guhcaemz doxndoj nei. Miz seiz, gyoengqde doxcaez guhdoi youq henz gangbya youz gien youh gien, lumj geij boux baengzyoux ndei caez youzbyaij nei.

Menhmenh dwk, duzug maj ok galaeng, caiq maj ok ganaj, diuzrieng menhmenh mbouj raen lo. Seizde, gou couh dawz gyoengqde cuengq roengz naz bae. Caj gyoengqde bienqbaenz duzgoep, couh ndaej bae gaeb nonhah, henhoh haexnaz lo.

(Gyanghsuh Swngj Suhcouh Si Gauhsinhgih Swhsanh Sizyen Siujyoz Cwngh Gaihnhinh)